

黑山縣志

第	一	冊				
建	置	志				
一、沿革	二、方位	三、疆界	四、面積	五、形勢	六、古蹟	七、大事

黑山縣志第十三卷

人物志下卷

一、孝子

胡連陞 縣北五台子人性至孝三歲失怙與母相依維命家極貧年十三即傭於人任苦役得資奉母時感仰事不足之憂中年勞資收入稍豐遂忖母所好而備致之凡飲食服御必足母意而後已雖富家孝養不是過也終其母之世承歡養志不稍怠而自奉儉約刻苦逾恒故人皆以孝子稱之

張玉堂 縣北二台子人性至孝生事盡禮母沒廬墓三年孝思不匱民國政府曾頒匾額以旌其閭滿洲建國復蒙頒賜表彰狀及匾額各一用彰厥孝以式來茲

劉保泰 字中和縣城人母早逝事繼母至孝父沒廬墓三年清廷頒賜孝道可風匾額一方以旌其門庚子亂後獨立創立宣講堂一所以五常八德為講演資料大聲疾呼晝

夜弗懈其中於中下社會人心者至深且溥並立過路宿舍一所施捨粥飯救濟來往行人者至數年之久復蒙民國政府以周濟窮乏匾額褒揚之因此地方官民不僅頌揚其孝且均稱爲劉善人云

張瑞典 字從周縣北羅家台人生有至性事親盡孝母沒廬墓三年聲聞於上旌表孝子並頒匾額獎章各事以寵榮之

龔玉長 縣南高山子人家貧無妻獨立自給僅有斗室以與老母相依維命天性至孝每日傭工所得之資必市肉麵製餌餅以食其母冬溫夏清無或稍疎母故哀痛欲死所遺褥被夜猶虛設於母之寢處而已不忍舖蓋也因其孝行可嘉政府特予褒揚云

董玉樹 縣東么路子人事親至孝母自六十歲時常患胃疼病飲食起居需人服侍玉樹則一身任之雖有諸婦兒孫屏而不用現在其母已八旬有六矣患病二十餘年未嘗使母稍感病苦康德七年政府旌以孝子宜也

黃弼臣 縣北朝北營子人生性純厚篤於事親宗族鄉黨咸稱道之事聞於上遂蒙政

府褒揚云

一六節 婦

吳氏 郭廷奎妻年十七于歸未三載而寡或勸改醮矢志不從因選宗侄爲嗣日以孝事翁姑延緒宗祧爲堅固不拔之志守節五十餘年卒年六十八歲道光九年得蒙旌表以彰其節

王氏 按察司昭磨賈俸之妻縣東北碭子山人以道光二十四年夫故守孀當年二十九歲矢志栢舟事老撫幼人無間言守節三十餘年而卒光緒二年得蒙旌表入節婦祠現有石坊高聳以旌其閭

張文妻適張三載而寡時年二十一歲家貧如洗矢志靡他事公姑以孝聞生養死葬氏皆隻身任之卒年七十有二光緒十四年奉旨旌表

張氏 縣城魏閭峯妻十七歲于歸二十九歲而寡事親以孝教子有方初家極貧嗣

以子能克家孫能勵學終張氏之世不僅家道豐盈且已家聲丕振矣其守節五十餘年壽享八十三歲而卒光緒三十一年援例請旌於朝奉旨准予立碑建坊入節孝祠以示旌表其生平節畧載入本志金石門張氏墓碑茲不贅叙

任氏 邑庠生周仁爵妻夫故異鄉氏携子扶櫬歸葬甫至家子旋亡遺孫正在襁褓中氏以中年猝抱夫故子亡之痛而夫弟錫爵復故去遺妻許氏生二子均幼稚一家數口孤者孤寡者寡似此人生有何希望而任許二氏自認命薄矢志靡他既感同病相憐各以撫孤成人爲目的從此妯娌二人同辛共苦各守孀節三十餘年而終達其所期志願光緒三十一年奉旨旌表

曹氏 郭文藻妻十七歲于歸一載即寡矢志不醮夫弟文翰尙幼氏以紡績佐其讀書卒至成立守節四十餘年光緒三十三年經御史錦州朱顯廷奏請旌表

王姚氏 縣城王成之妻年二十六夫因助兵擊匪死於馬僂子一役（見本志耆舊門）氏即撫孤守節矢志不移厥後二子一讀一耕名成業就人謂義士之後又有節婦以成

之所謂相得益彰矣光緒三十二年奉旨旌表准予建坊勒碑懸額以寵榮之
惠張氏 縣北新立屯鎮惠成林之妻十九歲于歸二十三歲夫故無嗣氏則矢志守節
至四十年之久有清末葉奉旨旌表節孝准予懸額建坊入祠以旌異之現有石坊一座
尙巍然於新立屯鎮東門外

邢蔣氏 老鶴窩邢玉懷之妻夫故守節清宣統三年旌表建坊入祠

孫襲氏 新立屯孫奎之妻夫故守節清宣統三年旌表建坊入祠

周許氏 縣北拐屯許德之妹年十九歲適縣城周榮爲妻三十四歲夫故其長子鳳舞
年纔九歲次子鳳雙年七歲氏守節至七十二歲而卒清光緒三十二年奉旨旌表准
予建坊入節婦祠

史傅氏 縣城史相臣之母也青年夫故守節撫孤備受艱辛民國十年奉令褒揚賞給
節勵松筠匾額一方

楊劉氏 本邑劉尙武之長女適城南楊作桂爲妻青年守節合於褒揚條例民國十五

年得蒙奉天省長題贈匾額一方文曰貞松比操

薄王氏 城北靠山屯薄蔭廷之妻十九歲結婚二十七歲蔭廷病故遺子鴻陞纔二十
五日氏守節撫孤備受辛勞宣統三年奉 旨旌表建坊入節孝祠民國十六年邑人公
送柏節冰操匾額一方現年七十五歲壽臻大耄康強如昔人謂修德之報云

張馬氏 大夏窩堡張九思之妻年三十夫以疾卒遺子一女二皆在懷抱中公姑年邁
夫弟髻齡仰事俯畜皆氏任之或勸改嫁氏曰敗節求榮棄孤遺老乃賤妾耳吾弗爲也
遂任艱苦矢志靡他既而翁姑相繼逝世而夫弟成人旋又貴顯矣氏仍儉約如故不以
虛榮易其操現年八十七歲懷清履潔四十餘年已蒙旌表建坊云

王戴氏 縣南么台子武庠生王朝珍之繼室同縣仕宦戴廣珍之女也系出名門素嫻
禮教年二十五適王逾年夫故遺有前妻之子一方九齡氏則視同己出撫養踰恒惟不
溺愛姑息頗得仇毆教子之方冀其稍有成就也孰料斯子幼患癡癩病百葯罔效造就
未能揆之恒情鮮不失望而氏毫不退志以爲子既無成猶望生孫以善其後遂出重資

爲子聘婦果然天人感召不數年即舉一孫求仁得仁氏心大慰乃未幾癩子竟以斯疾
夭亡矣氏雖疾首痛心祇以孀媳在旁強自忍抑乃携孀媳善護遺孫其愛孫之切一如
鍾愛其子者然保抱看護移濕就乾均代孀媳親任之孫名恩選生而穎異氏雖愛護倍
至但仍不稍驕縱及就學時孫或曠課氏必涕泣督責之因此孫亦知勉卒由黑山初高
小學校升入奉天省立兩級師範學校畢業後以其成績優良任爲奉天省立第五小學
校教員有孫如此皆氏教養有方所致綜其一身所歷環境窮奇悲慘皆爲人生所難堪
者而氏卒能克服之豈僅一節可風哉荷蒙褒揚庶無愧焉

鈕賈氏 縣北孟屯鈕真吉之妻民國二年夫以疾卒遺孤二且拋孀母老而貧時氏年
纔二十二歲以其貧無餬口之資乃襁負其子沿門乞討得飯先奉孀姑然後分食兩兒
剩有殘餘方肯自食日或半餐遑問飽乎如此數年孀姑棄養氏以乞討所得備棺禮葬
時人不僅敬其節且皆嘆服其孝焉厥後兩子漸長成人氏則不稍姑息一令佃於家一
令傭於外雖免乞討生活而已仍舊茹苦含辛日事操作如此者又二十年生計漸裕家

境稍有小康之象現在子媳賢孝含飴弄孫而賈氏享壽八旬以上荷蒙政府頒賜表彰狀以褒揚之宜也

劉王氏 縣東北公廨人十九歲于歸二十九歲而寡遺子五齡有姑年邁氏以一身担當事姑撫孤之責使不感覺姑無子子無父之苦者矢終身而不貳今氏年晉八旬既屬節孝可嘉又爲熙朝人瑞故於康德七年政府特予褒揚焉

張劉氏 縣南平房張鳳岐之妻十七歲適張二十二歲鳳岐病故一無所遺氏則矢志守節不爲夫族母黨所奪嗣以隻身無依遂以族侄爲嗣視如己出至於成立康德七年政府特予褒揚氏年已七十有九焉

王王氏 縣北趙屯人與同屯張喬氏先後于歸均於青年同遭夫故之慘二氏同病相憐互相砥勵矢志撫孤守節者各歷四十餘年現均年逾七旬可謂終身如一日矣今蒙政府各賜匾額以褒揚之宜也

王趙氏 縣北小夏窩堡王永惠之妻年三十夫故守節遺一子二女初依翁姑及夫兄

弟等同居度日尙不感覺若何痛苦未幾翁姑相繼逝世而夫兄弟等議析居時有勸其另醮者氏曰婦人從一而終古之禮也吾今有產可以撫孤安可棄孤他適而負亡人於地下耶從此男婚女嫁守志愈堅壽享七旬孫賢子孝鄉里欽其節義政府特予褒揚云

張劉氏 縣北韋城子張寶賢之繼室年二十適張撫有前房遺子一方三齡移濕就乾愛如己出旋自生二子一女仍愛前子如初行年三十而夫故乃矢志栢舟紡織自給且減衣食供給前子讀書以期無負亡夫之付託詎料前子及媳又相繼逝去遺有三男一女皆幼稚渴飲飢食胥惟祖母劉氏是賴蓋劉氏於撫孤兒之後又撫孤孫至於成立其節可欽其境可憫現年七十歲守節四十餘年備嘗艱苦節勵冰霜國家特予褒揚云

張任氏 縣南石甸子人十五歲于歸二十一歲夫以疾卒遺子一甫出襁褓房無一椽地無一壟雖有老翁在堂又染嗜好甚深室若磬懸炊爨時斷宗族戚友多有勸其改嫁者氏則一概謝絕之嘗謂吾夫祇此一子吾若嫁人子將何恃且再醮不義棄子不仁寧餓斃弗爲也遂埋頭茹苦藜藿自甘上侍父翁下撫孤子無悔意亦無戚容及翁棄養子

已成人氏始稍免凍餒矣時年六十有四鄉人以其苦節可風遂請政府褒揚以彰節義云

劉戴氏 縣北孟家屯人十八歲于歸二十二歲守節家境貧窶井臼親操撫育子女至於成立現年六十有二守節四十餘年政府頒給匾額一方文曰節烈冰霜

姬安氏 縣東安家河人年十八歸同縣姬宗周爲妻奉事翁姑以孝聞乃翁病故助夫喪葬盡禮未幾宗周亦故遺子景春纔十一歲家極貧仰事俯蓄幾無所賴安氏則恃紡績縫紉以求生活即以身担當事姑撫孤之責而不使其稍有缺望其姑李氏嘗語人曰吾有賢婦幾忘吾子之死矣聞者莫不欽其行而哀其志如有踵門行乞者雖無餘必與之其姑有疾延醫診治盡心服侍藥必先嚐而後進中屙廁牘必淨以滌之病榻左右晝夜弗離卒以醫藥無靈姑竟不起及旣沒則又喪盡其哀未嘗因貧而失禮也時子景春仍不更事寡母孤兒相依爲命以養以教其境愈苦然猶不令景春失學嘗謂吾夫止此一兒吾若不能教之成人何以慰夫於地下也惟以無力供讀爲憾因此景春讀書未

久即去習商而景春亦能善體母志於營利之中頗知思義尤重道德好施與凡由商業所得資財多半舉辦慈善事業果然天道福善不數十年善名大著家道以興康德二年安氏六旬晉一政府予以銀盾獎狀以褒揚之所謂苦盡甘來者是也

蕭宋氏 縣城蕭正己之妻於同治八年夫故守節時氏年僅二十八歲遺子三家復貧氏以翁姑已老子皆幼稚遂以養老送終撫孤成人爲堅固不拔之志果然天心佑善不數十年而老者瞑目幼者成材家道以興氏志克遂矣民國八年蒙大總統題贈匾額以示褒揚云

張齊氏 縣北新立屯張廷儒之妻年二十五夫故去遺子一僅三齡有姑在堂猶多病氏則上事病姑下撫幼子滿懷隱痛矢志靡他未一載而姑棄養喪葬盡禮人多賢之先是其姑好行善事嘗許修廟之願而有志未逮氏能仰承遺志選地興修娘娘廟一座開光演戲捨飯三天並捨良田百餘畝作爲永遠香火之資計共費用金額三千餘圓雖云修廟佞神不足爲法但以女流而能不惜鉅金爲姑了願則其孝思之純誠有足多者豈

僅一節云乎哉民國年間蒙大總統賞給匾額以彰節孝云

王吳氏 縣北韋城子人年十七適同村王治廷爲妻十九歲治廷病故遺有子女各一
仰賴翁姑撫孤度日尋翁姑亦相繼逝世吳氏於哀痛之中意謂翁姑雖皆見背猶賴有
子可依且可支持門戶也孰料其子竟於娶妻生子後又染疫以沒遺媳及孫一門孤寡
情何以堪但氏又以撫子之志移而撫孫並以孤詣苦心模範其媳卒使媳能守節孫已
成人而王氏不斬其宗悉由吳氏一身繫之滿洲建國崇尚節義政府特予褒揚以彰其
節云

楊劉氏 縣北新開河人年二十于歸楊文圃爲妻方二載文圃病故毫無所遺且家境
極寒自念吾如他適年邁翁姑將誰賴也乃矢志守節孝事翁姑以婦代子者五十年如
一日事聞於上部頒銀盾表彰狀及省頒褒狀各一事以彰節孝云

王趙氏 縣北小三家子王寶山之妻年二十五寶山病故遺子一方五齡雖有翁姑皆
將就暮且家貧無以資事畜趙氏則以針指所得担当養生送死教子克家之責者數十

年無少怠現在家道小康子孫滿前而趙氏守節之功惡可湮沒當蒙政府頒賜匾額以褒揚之

陳史氏 縣北楊屯人佚其夫之名年二十八夫故守節子幼姑老處境極艱氏則以婦代子以母代父卒使其姑若子若不知有無子無父之苦者數十年如一日因此鄉里稱賢公請政府褒揚焉

孟程氏 縣北孟屯人失其夫之名於二十一歲嫁爲孟家婦至二十四歲即夫故守孀矣既無子女終鮮兄弟而翁姑僅存復老且貧人皆爲孀婦悲竊意其不能久守也詎料程氏惟以翁姑老而貧愈不忍拋棄之遂以決心堅守苦節日侍翁姑左右而未嘗厭貧未幾翁姑相繼故去而守節之志仍不稍變但氏僅剩一身形影相弔乃過族人子以承其祧俾免斬宗絕嗣焉康德七年政府特准立碑建坊以示表彰云

袁梁氏 縣東杜家屯人年十八嫁與袁振鵬爲妻未數月振鵬因擊匪殞命梁氏自認命薄矢志靡他孝事翁姑和睦妯娌迄今三十餘年冰霜其心松筠其節鄉里皆以賢孝

稱之先是夫弟以襁褓之子爲梁氏嗣氏則欣然接受哺養愛護視如己出稍長教以義方嘗語人曰守節難守節而嗣他人之子爲尤難今吾寧減個人費用務使嗣子得受中等以上教育俾繼吾夫已絕之傳則夫雖不及見亦可稍慰於九泉也語重心長其情可哀若袁梁氏者不僅以節稱且堪以義傳也

張張氏 縣北小礮子人年十七于歸本屯張國政爲妻至三十一歲國政病故遺幼孤二家計艱窘衣食不給張氏茹苦含辛保抱雙孤紡織度日經四十餘年之苦勞卒達撫孤成名之志願現在子孫繞膝家道小康鄉黨稱賢輶軒訪采若張氏者亦可以風矣

梁李氏 縣東大興庄梁寶山之兒媳十九歲于歸二十四歲夫故守節遺一子方三齡翁姑在堂年事皆老有夫弟一亦幼稚氏則誓守苦節獨操家務使老幼各得其所而已貶抑自甘也厥後翁姑相繼棄養氏即領導夫弟與子刻苦讀書至於成立梁氏之不墮其家者氏之力也計其守節三十餘年冰霜自勵潔白無瑕鄉里咸敬重之

三、烈女

蔣銀珠 縣東小張窩堡蔣尚林之女母王氏兄早逝姊妹皆適人獨女以其父母老而獨誓終身不嫁事父母以終天年突於民國二十年十二月初八日夜間有賊數十破扉入室時其妹適歸甯與女同榻隅坐賊艷其美將犯之女急與妹互抱賊不得逞臨之以槍曰從我則生不然死矣女曰甯死不能從也遂被戕賊去家人謀救之女曰吾以清白遺父母得死所矣言既而瞑嗚呼烈矣卒年二十有六大同元年政府特賜匾額銀盾以旌表之並爲勒碑以紀其烈

四、義舉

魏玉奎 字璜璧縣城人於清光緒二十九年捐貲爲本城保安宮贖地六天七畝立石載明專供常年僱人拾字紙平道路掩埋枯骨之用有餘則作道士香火資是年復在城

內創設義塾一處招收貧家子弟無給來學至民國初年始因事停止民國八年公復請准教育當局以自己房舍設立高初兩級小學校不收租金對於貧寒子弟之就學者仍不收受一切費用至十一年始歸官辦改名爲黑山縣立第二高等小學校但其始基固爲公所創成者時值本縣奉令創設縣議會推公爲議長關於地方應辦事務無不竭力爲之前後數年所得薪金絲毫不入於家悉充地方公益之用又以古蹟名勝理宜保存見有殘破庵觀寺院必爲之補飾修葺其中十有八九爲自己出資非僅一新本縣境內之上帝廟龍興寺已也即遠如北鎮之文廟魚泉寺及錦縣境內之古刹荒祠無不傾囊佈施使其完整至今重修之碑尙巍然入於遊人之眼簾莫不歎其保存古蹟之苦心也尤其在虎壕鐵路興修之時發掘無主坟墓數百塚公皆代爲購棺遷移使死者得所最令人不忘者即本城南門外原有牧養一大段爲本城耆舊王元成先生所遺留供給附近村民取土牧畜及貧無墓地者葬墳之用年僅納課數十畝則其浮多地數固千百倍不止也光宣以降政府乃有清賦浮多首報檢舉之令地方遂有報領此段浮多作爲私

產者公以公益所在與之力持卒使若輩折服更以公會名義首報升科千餘畝由此依舊公用作爲附近村屯總有產業至今人民甚利賴之其詳載於本城三義廟碑因其熱心公益當蒙黑北兩縣知事先後申請褒揚蒙大總統頒賜『熱心公益』及『造福地方』匾額各一方嘉禾章各一枚比及晚年見佛法日衰人心陷溺乃在北鎮縣雙塔寺開闢十方常處以爲闡揚佛法之地並在錦縣設立道德會延聘名人日事講演以冀挽回世道人心故人又以魏善人稱之

王維翰 字介藩新立屯人於清光緒十九年夏洪水爲災新鎮適成澤國公則視同已溺立即啓倉出米以放急賑商民賴以生活者無算逾二年海城水災奇重公又慨賑紅糧二百石以舉救災卹鄰之實復在新鎮創設高初兩等小學校捐輸鉅款建築校舍至今學子尙利賴之當由地方申請褒揚蒙賜急公好義匾額一方以旌其門

戴廣珍 字聘岩縣北白土廠門人前清興京副都統致仕回籍後舉凡鄉里公益事務輒竭囊襄助不稍吝時值科舉停學校興該鎮因無固定校舍不足以興學育才鄉人難

之公則當仁不讓毅然捐助校舍一所復捨給本鎮公會熟田一百五十畝作爲永久基本財產至今人尙利賴之

紀富春 字清和縣北芳山鎮人幼年家貧失學嘗以爲憾乃捐貲設立義塾多年招收貧家子弟不取學費迨科舉停學校興復捐資萬金就該義塾闢作高初兩等小學堂前後畢業於其中而能成德達材者甚衆宣統三年台安水災奇重飢民遍野公捐糧穀百石賑濟災黎其義舉類如此

王雙純 字淮塘耆舊王錫祿之曾孫也清光緒末年本邑擬立小學堂苦無相當房舍該紳乃將自己所有座落黑山縣城後街市房一所計房三十餘間連同基地一併捐輸公家作爲校舍以爲興學育才之地即今黑山縣女子國民高等學校所用之校舍是也
杜長青 字壽山縣東茶棚菴人民國三年歲飢四年益甚粒米無收嗷嗷待哺之民朝不保夕公乃慨賑紅糧舊量七千斗救活人命甚夥云

洪輔臣 不知何許人亦不詳其里居光緒庚子之變省縣地方皆無政府以致群盜如

產者公以公益所在與之力持卒使若輩折服更以公會名義首報升科千餘畝由此依舊公用作爲附近村屯總有產業至今人民甚利賴之其詳載於本城三義廟碑因其熱心公益當蒙黑北兩縣知事先後申請褒揚蒙大總統頒賜「熱心公益」及「造福地方」匾額各一方嘉禾章各一枚比及晚年見佛法日衰人心陷溺乃在北鎮縣雙塔寺開闢十方常處以爲闡揚佛法之地並在錦縣設立道德會延聘名人日事講演以冀挽回世道人心故人又以魏善人稱之

王維翰 字介藩新立屯人於清光緒十九年夏洪水爲災新鎮適成澤國公則視同己溺立即啓倉出米以放急賑商民賴以生活者無算逾二年海城水災奇重公又慨賑紅糧二百石以舉救災卹鄰之實復在新鎮創設高初兩等小學校捐輸鉅款建築校舍至今學子尙利賴之當由地方申請褒揚蒙賜急公好義匾額一方以旌其門

戴廣珍 字聘岩縣北白土廠門人前清興京副都統致仕回籍後舉凡鄉里公益事務輒竭囊襄助不稍吝時值科舉停學校興該鎮因無固定校舍不足以興學育才鄉人難

之公則當仁不讓毅然捐助校舍一所復捨給本鎮公會熟田一百五十畝作爲永久基本財產至今人尙利賴之

紀富春 字清和縣北芳山鎮人幼年家貧失學嘗以爲憾乃捐貲設立義塾多年招收貧家子弟不取學費迨科舉停學校興復捐資萬金就該義塾闢作高初兩等小學堂前後畢業於其中而能成德達材者甚衆宣統三年台安水災奇重飢民遍野公捐糧穀百石賑濟災黎其義舉類如此

王雙純 字淮塘耆舊王錫祿之曾孫也清光緒末年本邑擬立小學堂苦無相當房舍該紳乃將自己所有座落黑山縣城後街市房一所計房三十餘間連同基地一併捐輸公家作爲校舍以爲興學育才之地即今黑山縣女子國民高等學校所用之校舍是也
杜長青 字壽山縣東茶棚菴人民國三年歲飢四年益甚粒米無收嗷嗷待哺之民朝不保夕公乃慨賑紅糧舊量七千斗救活人命甚夥云

洪輔臣 不知何許人亦不詳其里居光緒庚子之變省縣地方皆無政府以致群盜如

毛到處皆是擄掠燒殺無日無之而我黑山適爲草澤爭雄之藪蹂躪荼毒尤爲劇烈輔臣時寓姜家屯鎮日覩人民顛沛流離發爲義憤乃就姜家屯鎮爲大本營號召同志數百人自爲首領信誓旦旦一以正直保民爲主如有犯界擾民者殊死抵禦尤其部下小有騷擾雖親不赦時其管界果有一竊案發生輔臣捕訊明確立即斬首示衆由是言出法隨管界肅然民皆畏服凡距姜鎮三四十里以內之村屯皆求保護因有標示紅旗界之分一入其界果有路不拾遺夜不閉戶之象當時其他股匪亦遙爲聲援不但不犯其界且多往歸之因此聲勢愈大而輔臣執法愈嚴卒以嗜殺寡恩爲其部下陳某所殺惜哉此光緒二十七年事也夫輔臣以一匹夫竟能於水深火熱之中本其正直勇武精神拯救數十村屯至一年之久人民受惠甚深而其個人毫無所圖亦義士也故特表而出之以勸後之好義者

五、文 學

黃寶珩 字猷廷縣北黃金台人性豪爽有才氣幼嗜琴書長於筆翰放懷詩酒草芥功名先充陸軍二十八師幕僚僅三月而告退後任大賚稅捐局長未一年而辭歸從此嘯傲烟霞優游歲月逍遙林泉之下睥睨天地之間不事王侯高尙其志卒年六十有四

劉立堂 字邃安縣東曹家窩堡人天資聰穎頭角崢嶸幼時爲人牧羊每日路經村塾外輒停足聽師講書回家念茲不忘歷二年之久即能信口背誦此與承宮牧豕求學無異鄉中耆宿皆驚異之共勸其父令其入學讀書時年已十七歲發憤苦學悔遲自勉未數年而所作詩文往往爲名宿所不及及應府縣試則又名列前茅試官皆以新貴期之無如時乖運蹇院試不售遂以教學相長自勵越數年同儕有著先鞭者公又賈其餘勇姑往試之不期是年果入邑庠時年已四十有二矣嗣因秋闈不第依然舌耕與羣弟子講學論文以終焉卒年七十一歲

郭連瀛 字星武爲仕宦連陞之弟清季附生性溫文工制藝篤信好學邃於經史設帳半生成材甚衆曾充本縣師範講習所教員課餘之暇猶自強不息披覽綱史擇要手抄

綴爲雜記卒後遺稿失傳惜哉

張文典 字蘭臺縣北羅台人博學長於詩詞

陳述虞 字潤之縣南谷屯人光緒年間秀才品端學正設帳授徒遊其門者多獲成就
文名著於一鄉焉

王化宣 字子政縣南老泡子人清末拔貢爲人沉潛簡默學有心得善屬文尤深數理
學講學多年因人施教出其門者多名下士一時文名藉藉士林共仰而公之聲價亦愈
高且盛矣光緒末年奉天省諮議局成公被全縣民衆舉爲議員旋改省議會議員多所
建白期滿大吏以公謹愨遂歷任爲新民安東各縣稅捐局長認真征權涓滴歸公比較
考成上峯極信任之卒以人濁我清不爲當時所容遂去職

李慶芳 字鶴臣縣城人性曠達工詩賦嗜酒好客典物留賓每有朋自遠方來者輒如
陳邈投轄平原十日以故座上客常滿樽中酒不空者終公之世無憚煩也其善交久敬
類如此著有蟲吟小草翻愁鏡二篇雖屬小技而其才情恣肆有足稱者

六、方 技

潘魁 字聚廷縣西羊腸河人天性慈善氣象溫良少習醫中年懸壺街市臨症頗多其名大顯而於傷寒一症獨得仲景精微一經著手無不立奏奇効因此醫林稱鉅擘焉年甫四十即歸家隱居絕念營利專以救人爲宗旨凡有踵門求診者無論貧富皆細心診視開方用藥悉施與之大有董奉之風焉是以功德無量壽享七十七歲而終

張玉堂 字述宣縣東大崔屯人天性浪漫不事家人生產惟精漢醫術能治奇疾怪症兼善內外兩科如傷寒瘟疫虛癆損傷等病凡爲他醫所不能治者公則手到病除如經認爲不治者則十不活一焉但不設肆賣葯有求診者爲之處立方案囑自赴肆購取之因此年得報酬甚豐而公則視如糞土雖千金可一日了之即今朝有酒今朝醉不管明朝有與無也所以胸懷過人藝術而一生不免困窮且不自以爲苦亦異人也

羅大本 字復新縣南孤家子人通醫術復精針法不拘拘以醫爲業而竟以醫成名曾

充吉林軍醫處醫官任事數年醫名愈著其針法得自家傳神同愈跗每遇奇疾怪症針到病除實勝葯力萬萬也故又有神針之稱

牛寄園 縣西北二台子人少業儒長就吏員於官公署因有所感遂棄胥吏而從事醫學自靈樞素問黃帝內經仲景傷寒論以及歷代醫學名家所著諸書無不寢饋其中探討其理偶遇名醫必虛心事之與之晰疑辨難精益求精因此日久頗有心得立方療病每多奇效尤其生有佛性大懷救人之念所有佛家經典如法華楞嚴金剛諸經凡爲一般居士所不能解者公能澈悟其理宏揚其意常借療病爲人說法又嘗借道德會講演作人學佛之道大聲疾呼冀人猛省雖至力盡聲嘶弗輟也其以佛法欲挽劫運之苦心出自性天既非欺世盜名又非妖言惑衆惜乎善人不壽短命以終至今人多贊嘆之

蘇秀亭 號造峯縣東大馬架子人生性恬靜氣度雍容幼好圖畫山水人物尤擅泥塑術每塑一像惟肖惟妙本縣城內上帝廟火神廟之佛像壁畫多出其手至今觀之猶覺鬚眉姿態生動自如藝術之精有非尋常畫師所能及者

王維新 字作民縣北新立屯人。生而穎異，讀書能見其大，不屑屑於摘句尋章。性喜讀
數理諸書，秘探河洛星相術數諸法，皆有心得。尤於堪輿之學研究數十寒暑，著書立說，
作後學之津梁。涓吉之用，莫善於遁甲、然六易三奇、星門燦爛。學者未易窺測，嘗於暇時
將一千八十局逐一繪圖著書，俾占者一目了然。遠近後學多宗仰之。卒年六十有七。

黑山縣志第十四卷

藝文志

一、金石文

明萬曆二十七年重修小黑山上帝廟碑

此碑因年久字多浸滅以其有關考古姑抄其可辨認之處其不可辨認者則闕之筆者識

□□帝□神□以效靈也廟以棲神也鎮遠堡舊有上帝廟於東山頂頻因傾毀乃移於

□□信義□朝等重欲修□□不有無往不在奚為移居於此□□于雄時但其

東向陽谷西拱以□□牛之區山明水秀地靈人傑興工董事財用不取於有司□□

已亥歲仲冬規制完備煥然改觀□□看廟房則入門以漸高□□一時之精廟貌垂

萬古之以大豈但上而為□國家禦災捍患下而造福於一身一家已哉此其默佑□□

□□無常享詩云神之格□□之□也不然縱玉帛告虔粢盛功□□□廟予斯言得於

敬神遠神□□□

清康熙癸亥仲春前奉天府尹都審察院左僉都御史高爾位整葺上帝廟勒石文

康熙辛酉仲春赴京兆之任路由小黑山瞻拜

北極聖像廟貌森嚴山勢聳翠爾位沐手虔書金闕化身四字□□□□王奉

旨恩賞民銀星馳錦府復登寶山見廟牆傾圯僅存其基捐銀□兩廣甯令項蕙整葺□

□文僧焚修庶盡虔誠之意勒石□□□□時

清乾隆庚申春重修上帝廟碑記

錦郡庠生齊聞禮

帝廟何爲而修德功竣也修亦何故有取茲地山龍萃也且修更何一而再再而三有求即應無祈不靈也建自弘治三年修鑄金像於嘉靖二十有三年至萬歷二十七年間正殿一座龍虎殿三楹鐘鼓二樓山門垣墻舉以築成迨我聖主康熙元年遍請名工雕文刻鏤美麗極其神妙誠所謂上福社稷下裕軍民之處也但歷年久遠殿宇墻垣樓台山門俱損壞傾頽瞻顧者每爲徘徊浩嘆曰周王之馬跡不至謝公之履齒不及其在斯乎

維時有住持僧

慨然以重修爲己任於是募化四方及本地善人君子喜資樂助

胼胝拮据皇皇趨事合力而起葺之不數年而正殿一座龍虎殿三楹山門垣墻告厥成功其中神像斗拱繪造極工巧壯嚴而台基門垣築砌甚高堅宏廠雖鐘鼓二樓未能復修然較向之

淒涼難堪者則已煥然改觀矣非所謂修之一而再再而三者乎鴻工初竣人咸謂非誌無以垂久也因乞文於余余誠七步未能者也不能作衲浮譜以爲倡第僅將茲廟始建以迄重修之事而詳爲之記願同閩山東海並垂不朽云

清乾隆十三年九月重修上帝廟記

奉天正黃旗漢軍官學業儒孫新田

蓋天地陰陽之正氣鍾於有靈顯於有形者古今天下之人皆知神而祀之今廣邑之東小黑山舊有玄天上帝廟迺建自弘治之初金容赫濯
聖像威嚴殿庭飛翬墻垣修飾可爲聳碧於雲霄者矣自

聖朝定鼎以來數百餘年風雨飄飄墻垣傾圯殿宇頽損金像消鎔又於康熙辛酉撤舊

材而鼎新之因二帝之默佑亦衆善之功德也於今轉瞬數十春爍年湮日久瓦礫橫陳不復於前歟衆譙目擊心傷以重修之舉謀諸士紳公同領倡遍企善信各出貲囊由是鳩工庀材復整規模金像丹楹巍峨赫濯山勢崢嶸予思

聖帝降生之異顯靈普天禦災捍患無不禱請昭昭在人耳目之間矣於國家政教有助焉况帝享祀斯土永久感應遐邇爲吾生民錫福其有旣哉而丐言囑文於予余不揣荒陋因摛筆叙次而爲前古後今之記也云

清嘉慶元年七月重修上帝廟碑記

呂祖撰文

自古設神原所以助王化之所不及以默佑蚩蚩於爲善也故菴觀寺院遍滿寰區未有禁焉此廟自元而明自明而清六百餘年觀隆然下臨巍巍之勢其足動人之欽仰畏人之衾影爲何如也而或者曰此地有王氣宜建尊神以厭之其亦淺見無知之甚者矣今自那公誠爲領袖躬率衆人重修較昔殊爲煥然凡民之艱於度日而俯仰不充者誰不

曰此皆上帝之鑒察而翻然自新素多凶暴而日夜不端偶然疾痛者又誰不曰此上帝之見殺而錐心自誓往來行商仕宦失意舛阻榮利不獲者又誰不曰此必上帝之陰懲而秉公忠以自矢耶嗚呼其有以端風化正民俗潛移默佑也不亦至乎故曰所以助王化之所不及也自茲以往綿綿翼翼永峙此麓也爲無窮矣是爲記

清道光十九年重修小黑山保安宮增建玉皇閣碑記

清道光丁酉科拔貢前任臨汾縣知縣本邑王治成

保安宮小黑山之寶刹也小黑山北面舊有古廟三座一居東山之顛而崇奉者 玄
天上帝一居西山之顛而崇奉者 四海龍王惟保安宮居中峯巒疊翠溪水清漣樹木叢深人烟湊集輝輝煌煌誠壯觀也是廟也其尊已久

正尊火神左右配列各行祖師要之皆其有裨於人世者也是以闔邑人等世世祖承歲有慶賀香烟不絕亦盛事也迄今代遠年湮瓦解棟折奈難坐視乃與小黑山闔邑人等復建一新之又於其中增建 玉皇閣三間凡神之有裨於人世者莫不思有以崇奉

之矧 玉皇上帝衛列勾陳星符太乙步清虛而登九五尊尙元穹居太上以遍三千
聖稱無極則其有裨人世也大矣至矣無能名焉矣夫天下至異者人心而至同者亦人
心是廟之建匪伊朝夕乃竟不約而同迨至事竣功成仰神威之顯赫瞻廟貌之巍峨未
嘗不有以邀惠祈福夫亦思神固至靈而人亦至不齊矣古今來福惠之說祀竟可以邀
祈爲者然以未始不可以邀祈爲也是惟在人葆全天良敬修心地於忠孝節義中善爲
邀祈焉爾小黑山重修 保安宮新建 玉皇閣要惟其有裨於人世也羣思有以
崇奉云

清光緒二年重修小黑山保安宮觀音洞碑記

前 人

南海觀世音菩薩大悲佛也現身說法萬慮皆空跣脚行雲一塵不染手內一枝仙
桃撥開雲霧瓶中幾點聖水洒遍乾坤三千芥子八百牟尼是大神咒是大明咒是無上
咒是無等咒也彼談元說渺假佛以濟其私雖層巒聳翠上出重霄我佛未必肯享爲詭

爲崇借佛以蠱於世縱飛閣流丹下臨無地我佛必不能靈化日光天行所無事適情順
理任其自然境由心造心即是佛心隨境轉處處皆佛仗法靈通與天地合其德佛光照
耀與日月合其明佛力矜嚴拔癡愚於苦海佛心惻隱登忠孝於慈航成色成形天地有
好生之德救苦救難菩薩有再造之恩普渡羣迷超生衆類法力神通功德無量奈廟宇
摧殘住持者難昭敬信地基狹隘恢廣焉始壯觀瞻鳩工創建倏忽煊妍象貌莊嚴依然
顯赫因庵前舊有玉皇殿三楹火神殿三楹亦漸就頽萎一時鏤翠刻金盡羣飛而鳥革
四境安居樂業賴帝德與神功士農有利達之休工賈著熙康之象無生無滅隨時結香
火之緣是色是空舉念有波羅之蜜旣蒙庀護彌切皈依凡在帡幪悉叨懺化於茲上報
聊表微忱是爲誌

清乾隆三十九年營坊重修關帝廟碑記

關名

嘗思天地陰陽正氣鍾於形顯於靈者古今天下之人皆知神而祀之廣邑之東小黑山

營坊有 關帝君之廟建自乾隆壬戌瞬息二十餘年矣因風雨摧殘殿庭剝落墻垣

傾頽滿目蕭然而規模不復於前者歟幸有駐防邱君公議官署發大願力撤舊材而鼎新之於是民庶向善者從而和之踴躍效命財施雲集經理其事而大殿山門禪屋香積無一不整聖像金身雕龕畫棟無不流丹曜日聳碧於雲霄者矣經營二載工始就焉遣余爲記余謂宇宙之間明有日月幽有鬼神傳曰聖人以神道設教而天下服由是觀之則凡成象於天賦形於地者固皆出於自然而其張弛運用以成忠義之功者亦不可謂漫無主宰於其間也况 帝君血食斯土爲吾人延福將來者又豈有既哉余雖不才強爲之記也云爾

清光緒十六年七月保安宮增修文昌魁星呂祖碑記

北鎮舉人蕭雨春

伏以仁慈孝友十七世克葆天真正直聰明億萬年永憑陰騭是知文昌帝君固本德行以訓世者也此通都大邑咸思建廟以乞靈而蕞爾偏隅亦宜設壇以圖報焉如小黑山

鎮誠意供奉匪伊朝夕特吉地不能遽擇因於正北處舊有廟宇一所前殿 玉皇後

殿 觀音中間偏西有火神廟殿三楹東有廳房三間並無神座公議增修文昌帝君兼以魁星呂祖配於左右蓋謂文昌者掌文教之權魁星者主文明之曜呂祖雖列仙班亦曾應進士之選比而聯之皆有裨於甲第者也此議既定而仁人君子莫不踴躍爭先以盡好善樂施之道捐資既見有餘卽料費無憂不足始於庚寅仲春興工原有者重加修葺未有者新創規模如此浩大之功不數月而卽告竣焉用是馨香永薦莫不尊親俎豆常陳無敢戲豫將見閣鎮中端士習振文風擢高科登顯仕無不因此舉而預卜之矣謹勒襄善芳名以示來者庶幾永垂不朽云爾

旌表本邑節婦魏張氏碑記

邑附貢生韓大啓

從來宣猷錄德朝廷設記載之官嘉善獎賢國家有褒揚之典矧夫堅同金石貞婦之苦節堪稱潔比冰霜賢嬈之孝行可表既事親而終養更教子以克家如鎮安商民魏玉奎

之母已故民人魏聞峯之妻張氏者誠可述焉氏於咸豐元年十七歲于歸二十九歲守節子女孩提翁姑衰老甕無米以爲炊粥欲晝而不得氏則矢志靡他紡織自給奉餐侍藥儼同陳氏養姑課讀斷機奚啻孟母教子孝慈兼盡節義無虧洵可爲巾幗完人愧煞鬚眉男子矣所可重者其子居心仁孝慈善樂施即其義舉之最著者言之如立義塾掩尸骨印善書助宣講以及敬惜字紙周濟困窮種種善行不可枚舉雖因其賦性之善究非該氏教養之力不至此氏現年七十有三計苦節四十四年矣鄉人氏仰其德慕其型援例相符故於光緒三十年經舉人劉蔭桂等稟請儒學正堂杜馬牒詳 蒙奉天軍督部堂趙彙案咨請禮部轉奏奉 旨着照所請准其旌表建坊入節孝祠春秋致祭欽此茲當建坊伊始書碑聊述崖畧俾後之人有所觀感云爾

本邑節婦魏安人墓碑

北鎮進士李維禎

安人姓張氏黑山縣人年十七歸同縣魏府君諱聞峯事舅姑以孝行聞魏氏家故貧安

人相其夫能黽勉有無寸絲粒米必珍必護凡烹飪澣緝之事皆躬親焉以故境雖約而不窘府君得以無內顧憂生子二長玉奎次盛奎女一適李氏夫安人之于歸也其舅姑皆衰年而生計復歉薄安人殫其精力以綜內政方冀可以轉匱爲豐無何而府君卒時玉奎四齡盛魁二齡耳安人慘靚鞠凶曾不以茹苦含辛渝其素志已而盛魁夭折越數年長女復失其所天安人以孑然一身既痛亡兒復悲孀女其傷心慘目已極人世所未經而卒能字其孤兒提携其孀婦使衰殘之門祚寢致素封信謂巾幗中罕覩者矣邦人士仰其艱貞前清光緒三十三年上之大府請於朝爲建坊以旌其節於民國六年閏二月初三日酉時壽終春秋八十有三嗚呼安人以淑慎徽柔垂聲中閭何其畢世所經無一順境豈果奇節卓行必待歷試諸艱而後顯耶然天之報施善人不於其身必於其子孫今玉奎旣以好施樂善爲鄉里所交稱而安人諸文孫亦復篤志勵學嶄然見頭角則是安人雖躬歷困阨而庇蔭其後嗣者爲無窮矣以三月四日葬於祖塋鄧等誼關戚友旣聞德範謹揭其行誼以詔方來清賜進士出身欽加三品銜吉林補用知府北鎮李維

貞拜撰

本邑崔家窩棚已故張鎮威將軍家廟碑記

闕名

魯論曰慎終追遠民德歸厚書曰奉先思孝是以自周漢以來公卿大夫士皆有家廟前代沿唐之制定品官家廟規模尤備凡以敦本水源之義勵親親長長之忱非獨昭一家一族之愛敬繫治平之要爲國本計者固至鉅也作霖幼年孤露壯又不獲以祿養親當春霜秋露每不勝優然惛然之思是爲廟又焉可緩吾張氏譜錄以歷世廣遠莫得而詳自吾曾祖諱永貴者由直隸遷奉天是爲始遷之祖祖考諱發始家海城致力農商鄉里稱善士逮先考諱有財亦以仁厚著聞生作霖兄弟三人於時族屬漸繁日以孳殖有清末葉旋徙黑山值歲饑家以中落先妣王太夫人茹苦鞠育以底成人甚或無米以炊無屋以居艱困情狀有人所萬不能堪者作霖宛轉以求濟權宜以應急不避舍生之險不受嗟來之食任處境之千奇萬艱而必有以達所主張而不變庚子之役東夏大擾始

團結鄉里捍禦兇暴嗣是馘土匪杜立山於瀋甸捕蒙匪白音達來套克套諸渠於邊塞
追逐所經起內蒙哲里木盟扎薩克圖郡五旗之東迤邐而西當昭烏達錫林郭勒兩蒙
十數旗之北黑龍江之南抵外蒙車臣漢部之境往復數載綿亘萬里時疆吏陳狀曰冰
雪載塗士未得飽露宿寒林裂膚墮指犒師委員遇於綽爾河幾不相識實則此次行軍
之遠剿匪之苦受困之深其情狀有什佰於疆吏之奏者蓋馳逐於遐荒大漠力與窮寇
角生死斷汲飲絕糧粒帳幄不及插柴薪無從備往往而有昔之出師不慎者或中虜間
或陷絕地即葬身銀積雪海中作霖獨徼天之幸有以挫蒙寇之氛而消三邊之患綜平
生所歷非經所謂苦其心志勞其筋骨餓其體膚困乏其身動心忍性者歟辛亥革命黨
粹起鄂湘諸省靡爛響應者衆奉勢頗危作霖誓以保境安民爲主與疆土共存亡革命
黨窺伺屢瀕於險三省幸安其後歷任師長督理奉天軍務東三省巡閱使鎮威上將軍
重辱先人之信倚俾總軍民上年以赤逆之禍延於區夏應同志諸將師及民吏之請爲
安國軍總司令志在掃除兇醜保存數千年之禮教使吾華神明之胃不致淪胥於是膚

功累奏狂瀾漸挽今國人復以國無政府民無元首相勉勗俾負撥亂反治之重責總中夏之大柄听夕震悚罔敢自逸必圖有以率我同志大拯塗炭宏濟艱難蓋舍身救國之念所以承先人之遺志捍斯世之災患期不辱其親者固歷數十年無以易今歲之冬廟始落成因述所歷之艱苦與所志之趨向以告子孫用符追遠奉先之經而爲吾家之後人志不忘也

本縣已故吉林督軍孫烈臣令堂裴太夫人坊表文

崔藻五撰文

夫節勵冰霜國重褒揚之典心堅金石里彰旌表之榮惟建賢孝之牌坊每頌遺徽於身後覩兒孫之簪笏難期遐福於生前雖孝子志切顯揚而慈躬未必康健乃若八年作婦廿載居孀地無立錫室如懸磬撫一男二女苦耐飢寒待四叔三姑曲加體護事親盡孝族黨咸與稱揚教子成名國家倚爲保障如孫母裴太夫人爲可風焉太夫人現年七十一歲守志四十餘年奉天黑山縣北老河深屯人裴公榮廷之女封君孫魁之妻陸軍五

十四旅贊堯旅長之母也歲甫及笄禮成合卺奉翁姑以敬謹處妯娌以和平夫人方幸琴瑟之調封君忽赴玉樓之詔離鸞別鵠觸目生愁男甫五齡女方八歲一門孤寡籍隸菑以充飢二老衰殘臥牀褥而嬰疾太夫人則親侍湯藥寢食俱忘爲製棺衾簪環典盡人日多而產日少歲愈歎而家愈貧苟紡績之稍停即粥餽之莫繼於是漚菅栽漆教織課耕內外交勤飢寒幸免擇良媛以婚衆叔奉箋與納彩通行援吉禮以嫁諸姑束帛與儷皮不忒旣而女方受聘子又讀書刀尺躬摻悉臻完備簡篇代整時功箴規夫油鹽柴米之經營井臼竈厨之計畫養生送死銷磨幾副肝腸守節撫孤耗盡一生心血矣贊堯念母德無疆愧兒名未顯爰廢書學劍技策從戎初投効于督轅旋歷陞夫將領幸太夫人精神健壯責望殷拳其子每陞一官必申一誠每聞一善輒加一餐世變愴懷問何以酬軍國瘡痍滿目詢何以庇商民尤復衣戒奢華身服七升之布食崇節儉厨捐五鼎之牲然而屈已待人戚族同霑其德惠憐貧恤老輿臺悉庇其慈雲是誠節孝兼全允荷清標于彤管仁慈兩盡特邀敕誥于黃麻閭里增輝山川生色生等躬逢其盛抃頌莫名故

畧陳節概冀留清白於人間永峙豐碑用樹儀型于奕世云爾

黑山縣新立屯公義地碑文

黑山縣庠生韓卓午

蓋聞澤施枯骨知周室之積仁路掩殘骸乃佛門之普渡世有離家千里旅櫬艱歸暴露一棺幽魂未安此通都大邑所以多亂葬之岡而志士仁人每常有義施之地也况新立屯鎮交通鐵路接近蒙邊百業興隆爲商賈繁華之域四方聚集是人民稠密之區既生息之日蕃必死亡之時有或他鄉之客或羈旅之人一日一數終百般支絀歎窮民而無告葬處維艱欲客死之有歸善緣是賴若不擴充義地何能容納多棺同人等有鑒於此正思募化幸遇仁人有王公輯五者急公好義任俠輕財慨捐負郭之田施作貧民之墓東西界線刻入碑中南北短長鐫於石上是則形骸有託不作厲而爲災魂魄常依自相安而召福功垂奕世拜賜仁人此後蔓草荒烟夜月聽秋墳之唱歌功頌德贊揚開閤鎮之聲愧無絕妙好辭不過說明義舉行看葬埋有所喜萬善之同歸酬報無他僅一

碑之是建云爾

前吉林督軍黑山孫烈臣先塋碑銘

清光緒癸巳恩科舉人奉天候補道譚國桓

孫氏原籍山東黃縣明永樂時遷於直隸樂亭縣之孫莊清順治二年周財公始由樂亭徙居奉天義州之大榆樹堡村在山河之間周財公生三子長進禮次進忠次進信進信徙邑南新民屯進忠徙黑山是爲吉林督軍贊堯公立廟所稱之始遷祖周財公葬於細河之東凡續四世十二祖歷百餘年河東浸薄墓裔孫孫香圃孫殿邦孫雅軒等患其圯乙卯四月遷葬於他山屯苜山之陽去義縣廿五里塋原坦夷廣輪約四十畝南矚三峯遙峙左右岡巒環復已未秋贊堯公慮歲時祭享之費無所取給且易墜子姓孝慕之思也於是傍塋購田二百餘畝唯以山地受雨水之激蕩日就瘠薄不宜耕耨衆議咸植以樹築室三楹置守墓人癸亥冬復繞塋植松二百株先是周財公徙義州時榛莽荒蕪堅貞弗渝以力田蓄貲其創始之際不可謂非艱也後世子姓世其懿德日以流光而贊堯

公筦符吉林覃澤敷惠偉謀碩畫以保息人民爲念聲績尤爲懋著蓋所以繼事揚暉不可謂非熾也無先德之厚不足以熙盛業無后昆之賢不足以緝前光世之奇傑碩彥颯然奮興物湛其恩人濡其惠以抗稜超邁於一時者豈非以其施諸邇者有孚於衷足以肇遐迹殊勳之基乎於以知贊堯公之致其心力於先人之兆有以也其族人鼎元等欲伐石建碑丐余譔文爲之銘曰

於鑠孫氏誰昔乳孳始周財公義州遠蒞拮据力田涵質脛懿肇造室家厚履遠庇宜生俊傑以昌以熾惟贊堯公高邁瑰異抒芬揚華誕膺豐寄澤溥聲閔承先述志苒山之陽松栢千章中曠而夷周以崇岡境幽勢遠壽毓無央前以熙榮後以葆光炎炎磷彬森露鏗鋈永世無替世其德望惟善之積作楷四方鑲諸貞珉以詔茫茫

策贈陸軍上將黑山孫公墓誌銘

錢塘鍾廣生

民國十三載甲子三月吉林督軍兼省長孫公薨於位軍民戴公威惠震駭奔告若墮長

城其年五月嗣孤歸公之喪及朞而葬復以狀來告寔期且請銘廣生從公掌秘籍久知公深敢以不文辭按狀公諱烈臣字贊堯先世由義州遷居黑山之老河深屯廣生所爲遷黑始祖碑銘者是也曾祖成妣賈劉祖起旺妣于父魁妣裴清代皆有封贈公生五歲而孤母裴夫人鞠之成立英諱特出嫻騎射以材武自援初隸盛京將軍戲下歷官至巡防馬隊管帶光宣之季蒙匪陶什陶犯邊公從今鎮威上將軍張公征討連戰皆捷率鐵騎冒風雪渡洮逐北八百餘里窮踰大漠斬馘而還鎮威嘉異傾心結納公由是知名民國初元編制陸軍擢旅長洵總師干戊午用兵湘鄂授爲湘東總司令旋改奉軍副司令還軍長沙翊衛畿輔會陝匪郭堅跳梁汧岐閒公秉承鎮威方略遣偏師勦平之己未夏吉林師長高士儻以易師抗命政府特任公爲黑龍江督軍與吉督鮑公會師申討公以母喪固辭不許辛酉春移督吉林兼行省長事公之蒞黑也俄黨構患疆事日辦公首招携蒙部取消呼倫貝爾獨立更遣俄白軍出國界收其兵辭拒赤酋邊圉大寧及公移吉樞府以諳俄情習邊備特兼拜護路總司令累晉勳二位授一等文虎章二等寶光嘉

禾章公在位三年壹意蒐討軍實鎮威深倚畀公凡有大議皆待以參決壬戌之役公收合精銳禦敵於榆關乘閒出奇軍聲復振事平公力言用兵之道貴簡練堅實無取冗多又言國步方艱民生重困宜外持和節內修政刑先爲不可侮而後莫敢予侮當軸遯其議特設陸軍整理處以公領總監至關以內縱橫肆應諸方策壹任公爲謀主間歲以來信使交驩無虛月陽押陰闔卒底於成甲子再戰羣以取效詼詭相驚而不知皆公之成算所豫期也而惜乎及公之身不克覩其全功嗚虛其命也夫公生於同治癸酉五月爲人偉儀修幹精氣內含言辭朗朗終日不倦事母至孝將修族譜建宗祠以篤周親甫經始期年未成而卒享年五十有二元配劉繼配柴造室張邵子瀋陽女桂如柴出女憲瑞邵出瀋陽前殤無子以堂弟九緒之子憲均嗣乙丑閏四月將卜於英窩山前之新塋銘曰

獄亦東方醫閭炳靈亶生哲人震夏通聲公挺其間惟邦之彥始從戎軒燁煌囊韃授公節度曰奮予武單于不庭係之以組治軍有夔謀國有經焯哉公身安危奠傾譬彼隕防

築其初基胡弗整遺而止於斯玉泉之南沙河之北鬱亦崇岡銘之千億

黑山邑紳王雙純先塋碑記

北鎮進士李維禎

吾族先世居直隸灤州城西雙山子有明一代多以文章政績顯甲申之變全族遇難清康熙間遠祖維風公鴻儒公避難出關居小黑山築塋於市西高原遂族葬焉五世至顯考星垣公生於道光八年六月二日午時卒於光緒廿二年八月廿二日壽六十九封奉直大夫晉封朝議大夫先妣氏李爲邑望族早卒無出先繼妣氏柳生先兄雙綬雙組皆早卒及三兄雙紳繼妣王清封宜人人生雙純以民國七年卒附塋舊塋比以生齒加繁不得不別求吉壤爰於丙子四月下旬奉迓先祖考清封承德郎貽封奉直大夫恒軒公先祖妣清封宜人李太君先考星垣公先妣柳宜人靈魂暨王宜人之隨遷塋於北郭之原禮也先考孝友成性嚴肅持躬喜怒有恒言笑不苟自奉儉而好施不倦嘗因族弟一言之託終身拊其子女若已出戚鄰婚喪之窘者罔弗矜負販耕氓窮無告者來輒恤之又

嘗獨出鉅資濬市內河道以防水患又建碑摘舉念秧等流弊以利行旅鄉里忿爭得一
言立解其爲人敬憚多此類茲當改葬大恐先德弗彰用特刊后以垂久遠男雙純敬述

黑山縣烈女蔣銀珠墓碑記

黑山縣士紳朱尙弼陟丹

銀珠蔣氏女父上林母王氏奉天黑山縣屬小張家窩堡人亡年二十六歲其生前性質
孤高不苟言笑鄰里姊妹間有與之嬉戲者輒嚴辭拒絕之有兄不祿姊妹皆適人家窘
貧日與父母艱苦操勞不少怠並以父母老而獨誓終身不嫁奉父母以終天年有議婚
則泣曰吾苟字人親何恃乎其事親純孝有如此者九一八之變地方賊匪蠢起有至戚
某勸其暫避匪鋒銀珠曰吾家一貧如洗何事趨避遂不從未幾果來賊匪數十人破扉
入室適其妹歸寧在家與女同榻隅坐賊艷二女將犯之銀珠見勢危急與妹互抱賊不
得逞臨之以槍曰從我則生不然死矣銀珠毅然曰寧死不能從也賊怒以槍射之中腹
血流如湧終抱妹不釋賊去家人謀救之銀珠猶曰我以清白遺父母得死所矣言既而

瞑嗚呼烈矣此爲中華民國二十年陰歷十二月初八日午夜事也明年壬申
滿洲建國紀元大同對於國內忠孝節義之士女令縣查報咸予褒揚邑紳趙文清王佑
賢潘華國等爰將銀珠死節事實合詞具狀於縣上之大府援例請旌於中央政府時在
元年十一月距其死節之日將一年矣逾年癸酉端陽節日蒙頒匾額一方銀盾一座褒
狀一軸以示旌揚而昭節烈是天之報施烈女者何其懿歟但余以爲烈女秉節守義不
幸苟生不避義死此皆發於至性而不可抑奪旌不旌何與也雖然奉國家之法以闡揚
潛德幽光藉以教民成俗者有司之責也銀珠旣蒙旌表矣而縣長李子新公復恐烈女
之墓年久湮沒囑余爲文勒石以誌之期以垂久遠也所需工料大洋貳百數十圓統由
縣長李公與地方好義諸君子分擔募集而來有烈女之烈斯有義士之義以成之可謂
相得益彰矣銀珠爲余妻妹於其生死經過知之最詳當大殮之時因其家貧與世亂關
係無力製棺亦無處購買遂假衣櫃以殮之葬於距堡里許之東北阡嗚呼烈女之數不
其奇歟雖然烈女之魂固怡然自得也所謂一朝就義千古流芳後有經其塚而憑弔軼

聞者能不動人觀感乎是爲記

孝子韓文輝坊文

五品軍功府經歷銜張象賢

宣統三年夏六月建孝子韓公之坊於新立屯鎮之東同人屬予作文以記之予與公長子訂忘年交得登公之堂悉公之事蹟公性和易寡言笑動止異於常人孝思根於天性母病二十年父病八年繼母又病七年公之侍親疾也湯藥親嚐夜常數起無惰容無倦意怡色柔聲先意承志自幼而壯而老垂五十年如一日焉不特鄰里鄉黨無間言即質諸往哲先賢無愧色如公者殆古之所謂純孝者歟今當建坊伊始勉成數言粗具梗概他若公之細行則日後必有傳記茲非畧而不詳也

一一 雜文

邑紳朱陟丹東渡記畧序

前黑山縣長潘陽祁靖黎

游記之作行遠而寫實者於古籍中不數數觀蓋行路之難形諸吟詠人非有所迫鮮有自甘險阻者降及近世舟車之利溥涉重洋走異國者日接踵矣康南海十一國遊記歐文拊掌錄（譯名美文豪歐文氏遊歐所作）爲遊記中最膾炙人口者然前者獨詳於國體政治都市生活後者多採里巷之談鋪芬擣藻發抒情感個中自饒風味特難爲衆人言耳於移風勵俗無與焉康德五年夏余于役黑山邑紳朱君陟丹老而益壯追隨本縣產業視察團東渡訪日時未匝月行程萬里遍覽東瀛名城大都山水佳勝旁及鄉曲凡事之可資觀感者但有所遇遂即命筆投諸奚囊而於友邦人民之公忠體國崇德報公敦禮讓尙勤儉及其所以盡山海之利而成富國裕民之謀者尤多錄入歸來未久即次第其事物綴爲一編余借讀一過喜其屬辭平易雅俗共賞而其趣旨所在類可視作我國現狀之對症葯石亦以見作者心焉鄉國當時取材要未必計及得失而隨手抉擇自中繩墨精神所至其力不其偉哉前此三年余嘗觀光盟邦所歷境地什九與記中吻

合而筆墨艱澀歸後曾無一字之遺每一思及引爲慚愧此篇之作實獲我心因亟慫恿付梓聊以自償宿負况乎日本以博愛善鄰之精神提携滿洲引爲兄弟之邦進而謀底定東亞余嘗謂似此大國襟度與其日人自道不如出諸滿人之口出之滿洲卿大夫猶可疑作者拘於利祿之談若乃林泉名宿剴切直陳登高一呼羣山響應其中於中下社會者深矣作者汲汲於此篇之成其亦默體此意也夫

恭送黑山警務局長王公化南榮陞彰武縣長序

前黑山兩級小學校長劉逢源

辛未冬萑符遍地荆棘叢生日軍入境邑宰潛逃當千鈞一髮危險萬狀智者半携家遠避愚者則徒喚奈何惟化南君不顧身家不顧性命獨以一人之身合各界羣策之力挺身出首任怨任勞籌畫多方其難其慎卒使縣城安堵四民得以保全其維持之力爲何如也迄今三載考績政聲卓著其所以由警長而陞縣長者皆實至名歸苦心孤詣之所致非倖也宜也雖然此不過君子豹變牛刀小試其才耳它日卓異蒙上臺之薦廉明受

聖主之知其盛德大業當有不堪限量者余性質孤高落落寡合既不甘附和隨聲更不甘阿其所好如有所譽者其有所試矣茲當奉召升遷攀轅無術帶病之下愧未能同衆餞行拜頌之餘亦不欲以常詞溢美謹就先哲之所以闡揚於人者採集數語不計平仄敬撰鄙聯一付庶覺稱之稍當云（聯語如下）尊賢育材以彰有德 居廣立正威武不屈

縣長黑山王公化南榮遷錦縣長序

彰武內務局長陳海章

縮符百里撫字萬民廣橫渠之懷民胞物與抱希文之志後樂先憂胸襟清明鏡高懸品行純潔玉壺澄澈瑰材磊落更具松栢之堅貞器宇闊深又兼山嶽之持重三年卓績庶政咸熙五馬擢遷口碑載道若我王公王公之治彰武惟其然乎夫我公公之爲人心地光明語言慨爽性謙冲而諄厚貌莊敬而有威持身道義淡泊清廉治事多方嚴明公正恐民風之奢也特儉約以守已慮士習之情也更勤勉以從公整躬率物實具循吏之高風勵懦警頑不愧下民之父母且公之統御僚屬也督教惟周寬嚴並濟推心置腹

人樂忠欵以輸誠任材使能吏皆更新而滌舊以故庶政修明百廢具舉設施井井治象
蒸蒸公之治理政務也隨時制宜因勢利導經營擘劃至盡周詳如脩築道路便利
交通整理街村提挈政本開發地利闢生產之淵源敬教勸學樹風化之基礎誠所謂得
治體崇王道也總之德可驅蝗誠堪格虎治臻守劍化洽鳴琴精忠報國無異金石之王
常惠澤遺民有若甘棠之召伯古之賢良方正皆可比倫公之動靜云爲無非模範
海聲從事三年學步無似下風欽拜瞻仰彌高今當文旌榮轉乏術攀轅謹奉蕪詞權作
紀念至其藻頌之意乃邑人之公論非一己之阿諛也丁丑十二月穀旦序

說風

邑儒謝子桓

風之爲物也無形無色無味若不可形容者矣然無處不到無隙不入果何由而成乎舊
說巽宮居之封夷司之其說甚謬吾所不取近哲謂地面空氣受太陽熱力因江河陵谷
森林種種阻礙不得平均而熱者蒸起冷者補來斯即爲風此說有證吾誠信焉獨是地
球有運行之度光線有直斜之分而兩極遠於赤道爲不動之位五洋包乎大陸爲不易

之方而風遂有四時之不同至各處互有陰晴溫度時有高低而風之起也故忽而東西忽而南北忽而晝夜忽而晨昏是皆無足怪焉但如虎而來羣芳皆瘁偃草以行萬籟齊鳴捲廣漠之沙寧當月暈阻行人之路豈必石尤落帽而發高士之狂折旗而奪軍人之氣助河伯以施威共懼驚濤駭浪附祝融以肆虐可憐爛額焦頭夫風獨何知而爲此惡劇無怪乎抱怨者之多也雖然遠送濃雲俾甘霖普遍播傳花粉使種子生成颺颺然磨几拂案掃清幾多之野馬颯颯乎搜崖括岸吹乾許久之污池萬物時資其薰融羣花或憑其報信動草木於八公則功成淝水誇才思於六出則絮詠階庭諸許功用舉不勝舉風亦何負於人哉是以古於教化之所及習慣之所尚人心之所感應往往皆以風名豈不以風之行也正而直廣而遠不因人而假借不遇抗而挫衄哉嗚呼昔人有欲乘之破浪有欲御之行空吾願法之以爲人

三、詩歌

送縣長黑山王公化南

七古並序

彰武趙伯英

邑侯王公化南治彰三載善政多端茲以治績卓異榮遷錦水邑民等借寇難能攀轅無術離亭祖餞情悽依依感賦七古一章用資紀念非敢溢美聊述遺愛云爾

立德立言與立功太上所言三不朽今我邑侯化南公於斯三者無不有慤懃撫字嘆辛勞化洽羣黎碑徧口冰心鐵面善持躬竹勁松貞勵操守慈祥愷悌洵無儔治績仁聲昭著久憶昔大地徧荆榛公於斯時初蒞止烽烟擾擾四民警鶴唳風聲時作起公諭爾民不須憂各勤厥業安生理恢宏志量氣何豪鎮靜精神尤可佩信矣先聲足奪人宵小潛逃悉隱退熱心毅力苦經營不憚心身俱勞瘁流風善政屬多端尤重興學崇往聖建修孔廟倡文明扶植綱常倫序正邊庭從此得師宗嘉惠後學資借鏡釀金積穀備災荒散賑平糶重民命博施濟衆惠澤長迄今父老猶稱頌循良向謂漢唐多惟有我公堪繼美今逢大府獎卓勳五馬榮遷去錦水攀轅借寇兩無方百姓臨歧涕弗已旗亭進酒賦驪

歌悵望棠陰空百里

清道光丁酉科拔貢前臨汾縣知縣邑紳王治成

眼昏天地暗身縮覺衣長一飢還一飽畏暑又畏涼

致仕後旅行江南有感

前人

脫開世網自無愁破浪乘風一壯遊
聞鶴鳴過春水岸好山看遍大江頭
二千里外新詩稿三十年前舊酒樓
記到家鄉端午後斜陽橋畔繫歸舟

憶突孫

祁靖黎

祁公學者作宰黑山其政治成績已列本志循良傳內此於母歿孫孺之後憂悶無聊作於黑山官廨詩中補魂均為突孫遺物目觸神傷長歌當哭真令人不忍卒讀余玩其詩想見其為人故采輯之以誌鴻爪（筆者識）

其

皎皎雙稚兔

是為突也務

巧自縣農圃

朝夕勤調護

餅餌不盡私

分半以相哺

出歸必啓笥

遺矢勤操籌

邇來兔寢長

突也知何處

兔亦解憂愁
淚下應如注

其

二

矯矯雙膠靴
烏光影可鑑

當飯坐東閣

置處應我面

醒自不忍看

醺後瞥復見
淚下墜杯中

和淚并吞嚙

嗟彼著靴人

世緣何淺淺

欲醉以忘憂
祇恐公未便

其三

秋深胡蝶來
飛集簷前花

今無捉蝶人

蝶應樂無涯

憶昔突在時

嘗索線與麻
問汝何爲者

只言蝶來家

出伏深草底

十呼不一答

久之徒手歸
當飯猶自嗟

憶母

前人

其一

徂年方盛暑
母首黑山途

蹠蹠爲視兒

繞膝猶有突

朱李朱君砂丹走相過
李君子鑑

解囊助庖厨 李以今秋死 母歿纔冬初 不日月曾幾何 逝者如斯夫
樽中有美酒 朱子來何疎

其二

朝暮迭相催 日月為誰駐 母死已浹辰 夜夜夢空度 北郭有神媪
言知生死路 欲往輒復止 歸而謀諸婦 媪謂母多福 去來修院住
渺渺幽明間 信知可信也不

詠張留侯 辭却楓宸訪赤松 明哲保身同范蠡 逍遙避世等黃公 劉逢源

澹然無欲棄侯封 儒生面目英雄胆 公 豪傑衷腸婦女容 仇復功成爵不戀 冥冥何處弋飛鴻

詠董仲舒 學識全由素讀書 不有下帷工刻苦 焉能上達帝丹除 前

天人三策冠羣儒 六藝尊崇斥霸圖 正誼不謀功與利 千秋共仰董江都

百家罷絀存王道

百案詠陶靖節

六藝錄崇孔禮圖

五篇不籍也與時

千劉逢源

居官不慣送迎勞

歸去來兮共仰陶

五柳先生欣自傳

兩疏賢士許同操

消憂端藉琴書趣

立品常如松菊高

靖節清風垂萬古

馨香兩字至今褒

詠陸宣公

奏對直繼補文容

此直道不戀

前何人

從來宵小忌賢才

內相名高妬自來

况復德宗素鄙暗

那堪盧杞又疑猜

諫書空負當時上

對奏議終爲後世魁

謚法宣公人共仰

閒披唐史幾徘徊

詠范希文

忍苦由來享至榮

山寺讀書曾斷壑

前人

不能忍苦不成名

忍苦由來享至榮

山寺讀書曾斷壑

宋廷參政忽調羹

素懷後樂先憂志

久負民胞物與情

漫道文人無武備

延安鎮守敵皆驚

詠王陽明

學術惟精流日本

恩威並用感苗民

前人

平藩料敵智如神

學術惟精流日本

恩威並用感苗民

知行合一非空語

文武兼全豈過論

明臣若此有誰倫

詠蔣烈女榮膺旌表事見本志烈女傳

謝子桓

賊鋒威迫敢爭衡 烈性天然不惜生

身既全貞心即慰

豈因旌表始為榮

詠菊小回紋

王伯賢

介壽花開老圃香 幽人雅好不尋常

由來勁骨誇貞品

獨向東籬傲晚霜

獨向東籬傲晚霜 名花朵朵鬪新黃

問渠那得高如許

引得柴桑解組忙

引得柴桑解組忙 盤桓松下為花狂

緇塵莫染秋容靜

傍蕊穿籬興趣長

傍蕊穿籬興趣長 鬱林石趁晚秋光

天隨品重德尤邵

介壽花開老圃香

詠菊七絕

前人

三徑歸來菊尚存 東籬酌酒映朝敦

霜天不憚金風急

為賞秋花啓圃門

九秋風景曉霜寒 為看名花近畫欄

女兒山頭昨賞過

東籬和酒當朝餐

叢開幽菊近幽齋 挹露凝芬恰素懷

甫里花黃石潤色

按名早已各題牌

菊綻花黃不染泥 金風搖曳影難齊

等閒得到高人宅

把酒和英細品題

詠菊七律

王伯賢

佳種移來近草廬
淡影枝枝移院落
品格清奇發晚香
人到東籬安素節
孤高性格勢何遒
柴桑氣味非偏柳
傲霜枝老戰西風
黃花色重覘貞品
金風瑟瑟菊叢開
宜風宜雨詩人興

九秋風景葉扶疎
暗香陣陣過庭除
名花原自不尋常
蝶飛兌闕見幽光
黃許光陰得自由
甫里風光却在秋
萬紫千紅迥不同
白帝城高見化工
何處聞香不看來
懷國懷君楚客哀

兩開杜甫思鄉淚
傲霜漫笑門前柳
餐英得近天隨陸
滿城風雨詩情動
樂此金天居牖下
底事題糕人太怯
爲卸繁華標節晚
元亮歸來三徑好
佳種多栽名士宅
更有令人堪異處

一醉陶潛讀稼書
一樣敷榮待歲初
送酒曾來刺史王
轉恨催租客太忙
嗤他春杏出牆頭
玄都觀裏爲花羞
獨安清冷耐籬東
無絃琴韻寫幽衷
賞心獨上讀書臺
黃花晚節結霜胎

秋柳

用王漁洋秋柳原韻

前人

金風料峭冷鴉魂

羌笛聲哀黯玉門

望嬌闈人參色相

空心老樹杳烟痕

枯枝尙伴前朝寺

瘦影猶餘古渡村

請待明年欣向日

染衣佳話好重論

先生五樹盡披霜

黯淡風情著野塘

塞上影猶嵌鐵甲

樓頭人已鎖巾箱

豐姿冷落思張緒

殿宇荒涼泣漢王

漫道敷榮無有待

明年請看寶山坊

記得升遷兆染衣

前人何幸爾何非

曾經秦地秋容老

既出陽關故雨稀

漢帝宮中無絮落

梁王寺外祇鴉飛

從今悟澈盈虛理

寂寞郵亭客念違

蠻腰罷舞狀堪憐

疏影橫斜不帶烟

門外風光真冷落

曲中別緒尙纏綿

禪機已悟梁王寺

生意深傷蘇小年

何事改名爲折柳

遊人情戀古橋邊

卸却繁華歛重魂

濃陰改歲再垂門

聽鶯携酒來春事

脫葉披霜此際痕

古渡船橫哀夜月

讀書堂冷隱荒村

陶潛解組歸田日

彈汁遭逢懶細論

河橋風冷玉堆霜

落葉歸根積柳塘

樸械枉同霑雨露

稻梁難共入倉箱

失時此際哀梁帝

得勢他年憶漢王

待轉鴻鈞求改歲

鶯飛鴉繞古賢坊

九月風寒賦授衣

東籬景運此偏非

隋隄錦繡人徒羨

漢苑風光迹已稀

失勢幾時來雨潤

多情何日有鶯飛

韶光轉眼陽和至

渭邑青青願不違

遯跡柴桑不乞憐

金風清冷散炊烟

染衣有願思依樹

詠絮無心看拾棉

老幹雖非梁棟品

餘陰曾歷古今年

蕭關此去征塵歇

界限華夷是此邊

花甲初度自詠

七絕六首

朱大尙

日月居諸人易老

一週虛度又庚辰

余生於光緒庚辰年

雄心已逐韶光逝

且假餘年看子孫

其美之二

一雁孤鳴嘆寡儔

猶幸有兒堪慰藉

膝前祝嘏解人憂

每逢生日倍思親

祝壽何如先敬神

花甲幸存原有數

須知五福自天申

其三

猶幸有兒堪慰藉

膝前祝嘏解人憂

弟兄皆去一弟一兄皆先我而去我仍留

一雁孤鳴嘆寡儔

猶幸有兒堪慰藉

膝前祝嘏解人憂

其四

猶幸有兒堪慰藉

膝前祝嘏解人憂

膝前祝嘏解人憂

年當花甲強爲歡
過隙流光指一彈
人壽無如詩壽永
願徵佳什補斯干

其 五

六十年華何謂短
愧無建樹使人知
生來若解趨炎術
也許聲名炫一時

其 六

年逾知非猶未知
今當花甲復如斯
一生任俠竟成性
誤我終身悔已遲

和花甲初度自詠原玉

王 伯 賢

祥鍾崧嶽喜當春
詩酒流連祝壽辰
公自壽身兼壽世
還將餘澤壽兒孫

仁人道範倍堪親
壽紀祥徵嶽降神
每向燕居覘氣象
果然豐度總申申

桃觴日月祝長留
壽相雍容詎有儔
壽域宏開徵壽考
樂夫天命復奚憂

淵淵日月其愛留四

難老詩成古調彈

自是君身有仙骨

侯門雖好不曾干

高朋滿座共言歡三

難老詩成古調彈

自是君身有仙骨

侯門雖好不曾干

俠義風高公贈無所短

賢名於世不求知

祝君鶴鹿精神健

謀老猶堪佐盛時

存心惟有自家知

矍鑠精神福在斯

積得鶴籌添海屋

衡門泌水任棲遲

六十爭華博階級二

射虎事樹射人味

坐來苔痕隨我滿

此心無處不秋

爭食味非饒未味二

今當引甲遊吹淚

一坐引射交如掛

既非珠貝鏡日雙

爭食在引其味大

射虎事樹射人味

坐來苔痕隨我滿

此心無處不秋

六十爭華博階級二

射虎事樹射人味

坐來苔痕隨我滿

此心無處不秋

爭食味非饒未味二

今當引甲遊吹淚

一坐引射交如掛

既非珠貝鏡日雙

爭食在引其味大

射虎事樹射人味

坐來苔痕隨我滿

此心無處不秋

六十爭華博階級二

射虎事樹射人味

坐來苔痕隨我滿

此心無處不秋

爭食味非饒未味二

今當引甲遊吹淚

一坐引射交如掛

既非珠貝鏡日雙